

Cumün da Val Müstair



Ledscha da pumpiers

2009

Cuntgnü

I.	In general	3
Art. 1.	In general	3
Art. 2.	Chomp d'applicaziun	3
Art. 3.	Dret superieur	3
Art. 4.	Incumbenzas	3
II.	Oblig da prestar servezzan da pumpiers	3
Art. 5.	Princip	3
Art. 6.	Dürada da servezzan	4
Art. 7.	Servezzan	4
Art. 8.	Abiltà	4
Art. 9.	Incorporaziun	4
Art. 10.	Perfecziunamaint	4
Art. 11.	Effectiv reglamentar	4
Art. 12.	Dispensaziun dal servezzan activ	5
III.	Cumpensaziun obligatorica	5
Art. 13.	Princip	5
Art. 14.	Deliberaziun da la cumpensaziun ogligatorica	5
Art. 15.	Fixaziun da la cumpensaziun obligatorica	5
Art. 16.	Adöver	5
IV.	Organisaziun	6
Art. 17.	Suprastanza cumünala	6
Art. 18.	Incumbenzas e cumpetenzas	6
Art. 19.	Persunal cumünal	6
Art. 20.	Oget d'exercizi	6
Art. 21.	Oblig d'alarm	6
Art. 22.	Alarm	6
Art. 23.	Mezs legals	7
Art. 24.	Entrada in vigur	7

I. GENERAL

Art. 1 General

La pulizia da fö e'ls pumpiers suprastan al cumün, premiss cha quist'incumbenza nu sta illa competenza dal corp da pumpiers Val Müstair o dals organs chantunals.

Las denominaziuns da persunas, funcziuns e professiuns in quista ledscha as referischan per princip ad hom e duonna, quai schi nu resulta alch oter dal sen da la ledscha.

Art. 2 Chomp d'applicaziun

Quista ledscha regla l'organisaziun e las incumbenzas dals pumpiers dal cumün da Val Müstair, premiss cha quai nu sta illa competenza dal corp da pumpiers Val Müstair.

Art. 3 Dret superieur

Las disposiziuns impegnativas da l'ordinaziun chantunala davart la pulizia da fö, sco eir tuot las disposiziuns e directivas davart da la pulizia da fö e'ls pumpiers, sun sainz'oter valablas eir sch'ellas nu vegnan manzunadas explicitamaing in quista ledscha.

Art. 4 Incumbenzas

Ils pumpiers sun üna prevenziun generala da dons. Els cumbattan fös, evenimaints elementars e cas da don chi mettan in privel ad umans, bes-chas e valuors realas o chi fan don a l'ambiant. Ils pumpiers güdan in cas da catastrofas i'l sen da la ledscha chantunala davart l'agüd in cas da catastrofas. Els pon gnir obliats d'accumplir ulteriuras incumbenzas.

II. OBLIG DA PRESTAR SERVEZZAN DA PUMPIERS

Art. 5 Princip

Per regla sun homens e duonnas cun domicil i'l cumün da Val Müstair obliats da prestar servezzan da pumpiers.

D'abitants chi vivan in üna lai na separada es la persona cul guadogn principal obliada da prestar servezzan da pumpiers. In quist cas as drizza la därada da l'oblig davo l'età da la persona cul gudogn principal. Il medem princip vala per esters cun domicil e permiss per ün on.

Impiegats dal cumün da Val Müstair sun obliats da far servezzan activ da pumpiers. Persunas chi praistan servezzan facultativ pro la grappa da salvamaint da la Val Müstair (adgündonts da transport), praistan servezzan da pumpiers cun lur servezzan da salvamaint ed almain duos prouvas cul corp da pumpiers.

Art. 6 Dürada da servezzan

L'oblig da far servezzan da pumpiers cumainza quel on ch'üna persuna accumplischa il 21.- avel on e finischa quel on ch'ella ha accompli il 45.- avel on. In quist connex po la suprastanza cumünala tour, tenor bsögn, otras regulaziuns.

Art. 7 Servezzan

L'oblig da far servezzan da pumpiers vain accumpli cun far servezzan activ da pumpiers obain cun pajar la taxa da cumpensaziun obligatorica.

Art. 8 Abiltà

Schi'd existan dubis pervi da mendas corporalas o spiertalas esa da dumandar üna diagnosa dal meidi.

Art. 9 Incorporaziun

Ingün nun ha il dret da gnir incorporà i'l servezzan activ da pumpiers. La suprastanza cumünala decida scha persunas chi sun obliadas da far servezzan da pumpiers han da far servezzan activ o schi han da pajar la taxa da cumpensaziun obligatorica. Pro quista decisiun esa da resguardar ils bsögns dals pumpiers sco eir la qualificaziun persunala e professiunala, il lö da lavur e'l domicil da la persuna obliada e sch'ella es ragiundschabla per l'acziun in cas d'urgenza.

Art. 10 Perfecziunamaint

Commembers dals pumpiers pon gnir obliats da's perfecziunar e da surtour schartschas da cader. Els han da frequentar ils cuors e'ls exercizis correspondents e da far servezzans chi sun colliats cul grà o la funcziun. Ils grads da servezzan veggan concess tenor la classificaziun militara.

Art. 11 Effectiv reglamentar

La suprastanza cumünala fixa, in cuvegna culs pumpiers, l'effectiv reglamentar. Ella as drizza davo la valütaziun da las incumbenzas dals pumpiers aint illas fracziuns e las directivas da l'uffizi da la pulizia da fö.

La suprastanza cumünala po redüer l'età da servezzan fin al 16.- avel on cumpli ed insü fin al 62.- avel on cumpli, scha l'effectiv reglamentar nu vain ragiunt cun la dürada da servezzan previssa in l'art. 6.

Art. 12 Dispensaziun dal servezzan activ

Dal servezzan da pumpiers activ sun dispensats:

- il president cumünal e'ls commembers da la suprastanza cumünala;
- commembers da la pulizia chantunala;
- ravarendas e conventionals:
- persunas cun ün impediment spiertal o corporal cumprovà;
- persunas chi educan sulet ad uffants chi sun ill'età prescolara obain obliats d'ir a scoula;
- duonnas chi dvaintan mamma o chi dan bruost a lur uffant;
- persunas chi fan servezzan activ pro'ls pumpiers d'üna gestiun arcugnuschüda dal Chantun;
- persunas chi sun annunzchadas cun ün attest da domicil our d'Val (Wochenaufenthalter)

III. CUMPENSAZIUN OBLIGATORICA

Art. 13 Princip

Persunas chi sun obliadas da far pumpiers, e nu fan servezzan activ da pumpiers ne i'l corp da pumpiers Val Müstair ne pro'ls pumpiers d'üna gestiun arcugnuschüda dal Chantun, han da pajar la taxa da compensaziun obligatorica.

Chi chi nu frequanta in ün on 50 % dals exercizis ordinaris ha da pajar ultra da las multas eir la compensaziun obligatorica.

Art. 14 Deliberaziun da la compensaziun obligatorica

Tuot las persunas chi nu praitan a basa da l'art. 12 ingün servezzan activ da pumpiers, sun deliberadas dal oblig da pajar la taxa da compensaziun obligatorica. In cas specials e motivats po la suprastanza cumünala deliberar ad ulteriuras persunas da la compensaziun obligatorica.

Art. 15 Fixaziun da la compensaziun obligatorica

La taxa da compensaziun obligatorica dals pumpiers importa almain fr. 300.-- ed il plü da tuot fr. 1'000.--. La suprastanza cumünala fixa la taxa da compensaziun pels pumpiers resguardond ils bsögns dals pumpiers.

Per persunas chi van davent o vegnan nanpro, e chi nu sun amo annunzchadas, respectivamaing nu sun plü annunzchadas, vain la taxa ingrevida a basa dal temp effectiv cha la persuna avaiva domicil in cumün.

Art. 16 Adöver

Il rechav da la taxa da compensaziun obligatorica es reservada per la gestiun dals pumpiers.

IV. ORGANISAZIUN

Art. 17 Suprastanza cumünala

La suprastanza cumünala ha la survaglianza generala dals pumpiers, premiss cha quella sta in sia cumpetenza.

Art. 18 Incumbenzas e cumpetenza

A la suprastanza cumünala suprastan specialmaing las seguantas incumbenzas:

1. fixar l'età da servezzan tenor l'art. 6;
2. decider sch'üna persuna ha da far servezzan activ o sch'ella ha da pajar la taxa da cumpensaziun obligatorica tenor l'art. 9;
3. recrutar l'effectiv reglementar tenor l'art. 11;
4. deliberar dal servezzan activ da pumpiers tenor l'art. 12;
5. fixar la taxa da cumpensaziun obligatorica tenor l'art. 15.

Art. 19 Persunal cumünal

In cas da dons ha il cheu d'bügl obain il manader da l'ufficina da s'annunzchar pro'l cumandant sül lö. Il cheu d'bügl instruischa als pumpiers davart il provedimaint d'aua in cumün. El annunzcha cuntuadamaing ils müdamaints e las restricziuns al cumandant da pumpiers.

Art. 20 Oget d'exercizi

Ils abitants e'ils proprietaris d'üna chasa sun obliats da laschar far exercizis aint o vi da lur ogets e da permetter l'access als pumpiers fin ad uras 21.45.

Ils ogets d'exercizi, o parts da quels, ston gnir utilisats cul meglér schaniamaint pussibel. Pro la tscherna dals ogets d'exercizi ston ils proprietaris, resp. ils abitants, gnir infuormats a temp útil. Sün cas da malatia ed ulteriuras circunstanças specialas esa da tour resguard.

Art. 21 Oblig d'alarm

Pro la scuverta d'ün cas da don es minchün oblià d'alarmar als pumpiers sur il nomer d'urgenza 118.

Art. 22 Alarm

L'alarm succeda cun ün alarm quiet obain cun ün alarm da sirena.

Art. 23 Mezs legals

Cunter decisiuns e disposiziuns da la suprastanza cumünala po gnir inoltrà infra 20 dis ün recuors al tribunal administrativ dal chantun Grischun.

Art. 24 Entrada in vigur

Cun l'acconsentimaint da la radunanza cumünala e cun l'approvaziun dal departamaint da güstia, sgürezza e sandà dal Chantun Grischun aintra quista ledscha in vigur retroactiva süls 01.01.2009.

Approvà da la radunanza cumünala dals 18.03.2009

Il president cumünal,

Arno Lamprecht

Il chanzlist,

Not Manatschal

Approvà dal departamaint da güstia, sgürezza e sandà dal Chantun Grischun

7001 Cuoira, 13.07.2009

La directura dal departamaint:

lic.iur. Barbara Janom Steiner,
cusgliera guvernativa